



Muumin ning sēn karemda Alkurāanā bilgri, yaa wala Utruga tı-bila, a yūugā noomame la a rubā me noomame, la muumin ning sēn ka karemda Alkurāanā bilgri yaa wala tamaru bila, a ka tar yūug ye la a rubā noomame

Yii a Abuu Muusa Al-aš'ary nengē (Wēnd yard be a yīnga) a yeelame: Wēnd Tēn-tuumā yeelame (Wēnd puusg la A tulgr be a yīnga): «Muumin ning sēn karemda Alkurāanā bilgri, yaa wala Utruga tı-bila, a yūugā noomame la a rubā me noomame, la muumin ning sēn ka karemda Alkurāanā bilgri yaa wala tamaru bila, a ka tar yūug ye la a rubā noomame, la munaafık ning sēn karemda Alkurāanā bilgri yaa wala rayhaane, a yūugā yaa noogo la a yaa toog noorē, la munaafık ning sēn ka karemda Alkurāanā bilgri, yaa wala tuksēnego, a ka tar yū-noogo a lembgā me yaa toogo».

[Naşun Şahuhun (Gom-sikdem sēn manege)] [B zemsa taab a zugu (A Al-Buħariy la a Muslim n reeg-a)]

Nabiyaamā (Wēnd puusg la A tulgr be a yīnga) vēnegdame n wilgd nebā kōbgō, Alkurāanā kareng pugē la naf ne-a wā: Rēenem kōbgā: yaa muumin ning sēn karemda Alkurāanā la a nafd ne-a wā, yēnda yaa wala Utruga tı-bila, a lembg nooma, a yūug nooma, a kōbg be neere, a nafa yaa wusgo, bala yē tumda ne a sēn karemd būmb ningā la a nafd Wēnd yembsā. Yiib soabā: yaa muumin ning sēn ka karemda Alkurāanā, yēnda yaa wala tamaru, a rubā noomame la a ka tar yūug ye, bala a sūurā yaa sēn be ne lumaoongo wala tamaru tuga sēn tar nooma, a pugē wā la a yingā, la a ka tar yūug nebā sēn wumd ye, bala nin-kāngā soaba ka karemd Alkurāan t'a karengā nafd neba la noom-b ye. Tāab soaba: yaa munaafık ning sēn karemda Alkurāanā, yēnda yaa wala rayhaane, a yūugā yaa noogo la a yaa toog noorē, a vēnegda nebā taor t'a yaa sid-kōta, rēnd yū-noogā wōnda munaafıkā karengo, la a sēn yaa toogā wōnda a kīflemā. Naas soaba: yaa munaafık ning sēn ka karemda Alkurāanā, yē yaa wala tok-sēnego, a ka tar yū-noogo a lembgā me yaa toogo, rēnd tok-sēnegā yūugā kaalemā wōnda nedā sēn ka tar yūugā, a sēn ka karemd Alkurāanā yīnga, la a lembgā toomā wōnda a kīflemā toomā, bala a pugē wā lakame n ka tar sid-kūuni a yīnga me nafa ka be beenē ye, a pus n yaa sēn namsde.

النجاة الخيرية
ALNAJAT CHARITY

